

ZBULONI BUKURINË E TIJ NË 7 MINUTA
Pjesa 3 nga 7

Dr. Naxhi IBRAHIM

ABC-JA E ISLAMIT

Përktheu: Laureta Rexha

Redaktor: Dr. Sedat Islami

AUTOR: DR NAJI IBRAHIM/ **EDITOR:** ANN RONAYNE/ **DIZAJNI** DR. WASEEM RIAZ

ABC-JA E ISLAMIT!

Islami na mëson se rruga drejt një jete të lumtur, të kënaqshme dhe në atë të përjetshme është duke besuar Allahun si Zoti i vetëm dhe të Dërguarin e fundit, Profetin Muhamed, dhe duke shqiptuar këtë dëshmi: *“Dëshmoj dhe deklaroj se nuk ka Zot tjetër pos Allahut dhe dëshmoj se Muhamedi është i Dërguari i Allahut.”*

Islami na tregon se thjesht të besuarit në Zot dhe në Profetët e Tij nuk mjafton për të fituar paqen e mendjes, lumturinë dhe shpëtimin! Ne duhet gjithashtu ta zbatojmë vullnetin e Allahut duke adhuruar vetëm Atë, duke iu bindur urdhrave të Tij dhe duke e praktikuar atë në të cilën besojmë.

Nënshtrimi ndaj vullnetit të Zotit është esenca e mesazhit të Allahut. Në Kuran, Allahu pohon kuptimin e vërtetë të nënshtimit dhe shpërblimin e përgatitur për ata që besojnë dhe bëjnë punë të mira me këtë ajet: *“Me të vërtetë, ata që besojnë dhe bëjnë vepra të mira, do të kenë për banesa kopshtet e Firdeusit.”* (18:107)¹

ABC-JA E ISLAMIT!

Njëjtë, Bibla na njofton me këto fjalë të vëllait të Isait, Jakobi²: *“Sikurse trupi pa frymën është i vdekur, ashtu edhe besimi, pa vepra, është i vdekur.”* (Jakobi, 2:26)

Muslimanët nuk mundën vetëm të kenë besim në Allahun (në Zotin e vetëm të vërtetë) por duhet gjithashtu të bëjnë punë të mira. Ata u binden urdhëresave, të cilat Isai a.s. dhe të gjithë Profetët tjerë i mësuën dhe i zbatuan, sikurse është besimi në Zotin një, lutja, falja, gjunjëzimi dhe rënia në sexhde në adhurim, duke agjëruar, duke dhënë lëmoshë dhe duke bërë bamirësi duke thënë “nëse Zoti dëshiron (InshaAllah)” për një gjë që i përket të ardhmes dhe duke përdorur përshëndetjen e Isait a.s dhe të Profetëve, “paqja qoftë mbi ju (esselamu alejkum)”.

Këto janë disa nga shembujt dhe pjesët e dëshmimeve që qartazi tregojnë të vërtetën, unitetin dhe përbotshmërinë e kësaj feje madhështore dhe të bukur të të gjithë Profetëve: Islamit. Praktikisht, një musliman apo një person që do të dëshironte të bëhet musliman, duhet të besojë në gjashtë kushtet e besimit.

¹ Përkthimi i kuptimit të ajeteve është huazuar nga përkthimi i kuptimeve të Kur'anit nga Hasan Nahi.

² Sipas pretendimeve të krishterëve, Jakobi ishte vëllai i Jesusit (Isait a.s.). Shënim i redaktorit.

GJASHTË KUSHTET E BESIMIT NË ISLAM

1. Besimi në Allahun- në ekzistencën e Tij, në njëshmërinë e Tij (që në gjuhën arabe quhet teuhid), në sundimin e Tij, në emrat dhe cilësitë e Tij unike dhe se Ai është i vetmi që meriton të adhurohet.

Kurani i Madhërishëm dhe thëniet e Profetit Muhammed na kanë mësuar emrat dhe cilësitë e Allahut, Zotit të vërtetë, që është një. Ne asnjëherë nuk mund ta përfshijmë madhështinë e Allahut, por sa më shumë që e njohim Atë, aq më shumë do ta duam dhe do ta adhurojmë Atë. Më poshtë janë vetëm disa nga emrat dhe cilësitë e Allahut: *Allah* (emri kryesor i Zotit), *Zoti*, *i vetmi Zot i vërtetë*, *i Mëshirshëm*, *Mëshiruesi*, *Krijuesi*, *Sunduesi*, *i Shenjti*, *i Pastërti*, *i Bekuari*, *Burimi i Paqes dhe i Përsosmërisë*, *Gjykuesi*, *i Gjithëdijsmi*, *Shikuesi* (Ai që sheh çdo gjë¹), *Dëgjuesi* (Ai që dëgjon çdo gjë), *i Madhi*, *Falësi*, *Më i Larti*, *Madhështori*, *Më i Dashuri*, *Më i Buti*, *Furnizuesi*, *i Vërteti dhe i Durueshmi*.

Profeti Muhamed (paqja qoftë mbi të) thotë: *“Cilësitë e plota të bukurisë dhe përsosmërisë i përkasin Allahut. Me të vërtetë Allahu e do bukurinë”*.

2. Besimi në engjëjt e Allahut, të cilët i ka krijuar që ta adhurojnë Atë dhe t'i binden Atij duke i zbatuar urdhrat e Tij.

3. Besimi në shpalljet e Allahut, duke përfshirë fjalën origjinale të Allahut që i është shpallur Musait dhe Isait (jo shkrimet e njerëzve dhe tregimet e rrëfyera nga autorë të ndryshëm që gjenden në Biblën e ditëve të sotme). Kurani i Madhërishëm është fjala e fundit, e pastër dhe autentike e Zotit shpallur Profetit Muhamed.

4. Besimi në të Dërguarit dhe Profetët e Allahut, duke përfshirë Ademin, Nuhun, Ibrahimin, Musain, Jahjain, Isain dhe Muhamedin. Në fakt, një musliman nuk është besimtar i vërtetë nëse ai apo ajo nuk beson në Musain dhe Isain (dhe të tjerët) si Profetë të dërguar nga Zoti i vërtetë (Allahu), Krijuesi.

5. Besimi në Ditën e Fundit, në Ditën e Gjykimit dhe në llogaridhënie. I gjithë njerëzimi do të gjykohet nga Allahu në bazë të besimit dhe të veprave të tyre. Pas këtij gjykimi, dikush do të pranohet në jetën e lumtur e të përhershme në xhenet dhe dikush do të hidhet në zjarrin e xhehenemit.

6. Besimi në kader, në caktimin e Allahut dhe në diturinë e tij absolute për të gjitha gjërat. Meqenëse besimtarët besojnë në Allahun, ata janë të kënaqur, të lumtur dhe i besojnë Allahut për gjithçka që ka caktuar për ta, edhe nëse ata e perceptojnë atë të mirë ose të keqe. Ata mundohen të mos dëshpërohen apo të bëhen të pashpresë e të brengosur kur ndodhin krizat dhe vështirësitë. Në vend të kësaj, ata mundohen të bëjnë gjithçka që

munden për ta përmirësuar situatën e tyre, por në fund kthehen tek Allahu për ndihmë, mbështetje dhe shpërblim.

Ky besim i bukur në Allahun dhe në caktimin e Tij ju sjell muslimanëve qetësi të mendjes dhe kënaqësi pavarësisht agresivitetit, cenimit, zotërimit dhe shfrytëzimit të tokës apo pasurisë së tyre, si shkelje që ndodhin sot në botë, dhe pavarësisht padrejtësisë, paragjykit, diskriminimit apo shpifjeve nga të cilat ata vuajnë.

PESË SHTYLLAT E ISLAMIT

Përveç kushteve të besimit, Islami na mëson po ashtu ta kthejmë këtë besim në praktikë. Krahas bërjes së punëve të mira në përgjithësi, muslimanët duhet të praktikojnë pesë shtyllat e Islamit, të cilat janë:

1. Shehadeti (dëshmia e besimit)

“Dëshmoj se nuk ka Zot tjetër që meriton të adhurohet pos Allahut dhe dëshmoj se Muhamedi është i Dërguari i Allahut”.

Në gjuhën arabe lexohet kështu:

ESH-HEDU EN LA ILAHE IL-LA ALLAH,

VE ESH-HEDU ENNE MUHAMMEDEN RESULALLAH!

Kjo është dëshmia që një njeri duhet të thotë në mënyrë që ta pranojë Islamin. Ajo përfshin të vërtetën, bukurinë dhe thjeshtësinë e Islamit.

2. Namazi

Shtylla e parë e fesë islame është falja e pesë namazve obligative. Këto rituale lutjesh përfshijnë qëndrimin në këmbë, përlulen dhe sexhden, recitimin e pjesëve të Kuranit, madhërimin dhe përmendjen e Allahut dhe kërkimin e mëshirës së Tij, faljen dhe xhenetin.

Bukuria dhe fuqia e këtyre lutjeve sjell rritje shpirtërore, rehati psikologjike, mbështetje si dhe lehtësim, qetësi dhe kënaqësi për shpirtrat, mendjet dhe zemrat. Mënyra se si lutjet janë të shpërndara gjatë ditës dhe natës do të thotë se ne jemi gjithmonë duke e përkujtuar Zotin (Allahun).

Ajo që i shton bukurinë namazit është fakti se profetët e Zotit – duke përfshirë Ademin, Nuhun, Ibrahimin, Musain, Isain dhe Muhammedin – gjithashtu i janë lutur dhe përlurur të njëjtit Zot të vetëm të vërtetë, Allahut. Me fjalë të tjera, Muslimanët i ndjekin hapat e atyre profetëve dhe të dërguarve të Zotit.

Për më tepër, shumë koncepte të tjera, sikurse dashuria ndaj Zotit, nënshtrimi dhe dorëzimi ndaj Zotit, lutja, uniteti, barazia, sinqeriteti, durimi, përulja dhe butësia manifestohen dhe mësohen nga namazi. Në të vërtetë, lutja e sinqertë, dhikri (apo përmendja e Allahut), istigfari (kërkimfalja) dhe duaaja (lutja) - ndaj Allahut vetëm - janë çelësa të thellë dhe të mrekullueshëm për paqe mendore, qetësi dhe bereqet.

3. Zekati (lëmosha)

Zekat quhet dhënia obligative e një sasie të caktuar të pasurisë të varfërve dhe atyre që kanë nevojë. Zekati e pastron pronën dhe pasurinë dhe në të njëjtën kohë na pastron nga koprracia dhe mizeria. Ai na mëson kujdesin dhe ndarjen e gjërave së bashku, gjë që ndërton ura të forta të dashurisë dhe respektit të përbashkët mes të pasurve dhe të varfërve. Në të vërtetë, zekati na edukon në mbështetje, ndihmë, bashkëpunim dhe solidaritet për tërë shoqërinë.

4. Agjërimi

Agjërimi (sawm) nënkupton shmangien e të gjitha ushqimeve dhe pijeve dhe marrëdhënieve martesore nga lindja e diellit e deri në perëndim gjatë muajit Islam të Ramazanit. Disa nga dobitë e bukura dhe mësimet e agjëritit përfshijnë:

- **Dobitë shpirtërore:** Ne zhvillojmë takvanë (devotshmërinë) dhe sinqeritetin. Agjërimi i muajit Ramazan ofron mundësinë e mrekullueshme për ne që të arrijmë mëshirën dhe faljen e Zotit, ruajtjen nga zjarri dhe fitimin e jetës së përhershme në xhenet.
- **Dobitë morale dhe emocionale:** Në shkollën e Ramazanit (agjëritit) ne mësojmë dhe përjetojmë urinë që miliona njerëz në pjesë të ndryshme të botës përjetojnë pa vullnetin e tyre. Kjo na frymëzon të ndajmë gjëra, të tregojmë empati ndaj tyre dhe të jemi modestë, bujarë dhe të mirësjellshëm.
- **Dobitë edukative:** Agjërimi na mëson shumë mësimet. Për shembull, ne e shohim se është e mundur të heqim dorë nga shprehjet e këqija sikurse është ngrënia e tepruar. Agjërimi gjithashtu na disjelinon sjelljen dhe na trajnon të jemi të durueshëm dhe të përmbajtur. Për më tepër, na kujton se Profetët e Zotit, si Muhamedi, Musai dhe Isai agjëronin gjithashtu.
- **Dobitë shëndetësore:** Përmes agjëritit, trupi largon toksinat dhe yndyrnat e tepërta. Doktorët dhe nutricionistët shpesh e rekomandojnë agjërimin, duke e përshkruar si një 'djegës mbeturinash' dhe si 'terapi shëruese' dhe është miratuar si ilaç për shumë sëmundje.

5. Haxhi

Haxhi është pelegrinazhi (udhëtimi i gjatë) në Mekë që çdo musliman apo muslimane duhet ta praktikojë një herë në jetën e tij apo saj, për aq kohë sa ai apo ajo është në gjendje të mirë fizike, mendore dhe financiare ta bëjë këtë gjë.

Sikurse me shtyllat e tjera dhe parimet e Islamit, bukuritë, mësimet dhe dobitë e haxhit janë të shumta. Miliona besimtarë të të gjitha ngjyrave dhe racave, nga e gjithë bota, i përgjigjen thirrjes së Profetit Ibrahim, i cili (me gruan e tij Haxheren dhe djalë të tij Ismail) lidhet me shumë nga ritet e haxhit. Konceptet dhe parimet e mrekullueshme mund të shihen gjatë haxhit, duke përfshirë: nënshkrimin dhe bindjen ndaj Allahut, vëllazërinë dhe lidhjen e motrave në Islam, unitetin, durimin, sakrificën, lutjen, bamirësinë dhe agjërimin. Haxhi vjetor dëshmon dhe karakterizon mbledhinë më të madhe dhe më të madhe dhe më të veçantë fetare të llojit të saj në botë.

Gjate kësaj përvoje të mrekullueshme të të gjitha racave dhe ngjyrave, të gjithë duke i shërbyer një Zoti dhe duke ndjekur vetëm një mesazh, Malcolm X dhe të tjerë kanë zbuluar bukurinë e besimit të vërtetë, vëllazërinë dhe lidhjen që krijohet mes motrave muslimane, dhe barazinë.

Haxhi më ka zgjeruar horizontin tim. Më ka bekuar me kuptim të ri. Për dy javë sa isha në tokën e shenjtë, pashë çka asnjëherë nuk kam parë për 39 vite këtu në Amerikë. I pashë të gjitha racat, të gjitha ngjyrat, nga bjondët sykaltër deri tek afrikanët me lëkurë të zezë- të gjithë në vëllazëri të vërtetë! Në unitet! Duke jetuar si një! Duke adhuruar si një! (Autobiografia e Malcolm X)

EMRAT DHE TERMAT BAZIKË ISLAMË

Allah: Në gjuhën arabe emri Allah është emri kryesor i Zotit të vërtetë, Krijuesit. Islami na mëson se Allahu është Zoti i vërtetë i gjithë njerëzimit. Arabët hebrenj dhe të krishterë e përdorin po kështu këtë emër (Allah) për t'iu referuar Zotit dhe kjo fjalë përdoret për Zotin në Biblat e shkruara në gjuhën arabe po ashtu.

Muhamed: Profeti i fundit i Zotit të vetëm të vërtetë (Allahut), ashtu siç i është shpallur Muhamedit.

Islami: Nënshtrim ndaj vullnetit të Zotit të vetëm të vërtetë (Allahut), Krijuesit.

Muslimani: Ai që i nënshtrohet vullnetit të Zotit të vetëm të vërtetë (Allahut), Krijuesit.

A JE ENDE KURESHTAR?

Nëse je kureshtar dhe i/e interesuar të zbulosh më shumë informata dhe detaje rreth Islamit, ju lutem vizito webfaqen tonë: www.discoveritsbeauty.com

Ndihuni të lirë të na dërgoni me e-mail pyetjet dhe kritikën tuaj në:
info@discoveritsbeauty.com

SERITË E 'ZBULOJE BUKURINË E TIJ NË 7 MINUTA'

- 1) Vetëm maja e ajsbergut
- 2) Feja e Ademit dhe Havasë
- 3) ABC-ja e Islamit
- 4) Përgjigje ndaj pyetjeve kritike të njerëzimit
- 5) Emrat e Tij të bukur
- 6) Shpallja e fundit
- 7) I Dërguari i fundit

WEBFAQET E DOBISHME ISLAME

- <http://www.allahsquran.com>
- <http://www.quranexplorer.com>
- <http://www.islamhouse.com>
- <http://www.edialogue.com>
- <http://www.islamreligion.com>
- <http://www.newmuslimguide.com>

DËSHMIA E BESIMIT

HYRJA NË ISLAM

“Dëshmoj se nuk ka Zot tjetër pos Allahut dhe dëshmoj se Muhamedi është i Dërguari i Allahut.”

Në arabisht lexohet:

أشهد أن لا إله إلا الله
وأشهد أن محمدا رسول الله

që në shqip tingëllon sikurse më poshtë:

ESH-HEDU EN LA ILAHE IL-LA ALLAH,
VE ESH-HEDU ENNE MUHAMMEDEN RESULULLAH!

Kjo është dëshmia e besimit që duhet të deklarojmë në mënyrë që të përqafojmë Islamin; ajo përmbledh të vërtetën, bukurinë dhe thjeshtësinë e Islamit.